

دعوت به توبه

۱۳
 ۱ در همون زمان چند نفر از حاضرین، درباره جلیلیانی با عیسی صحبت هاكاردنه كه پپلاؤس فرماندار روم ویشون خون ره با ویشون قربانیها خون قاطی هاكارده. ۲ عیسی در جواب بائوته: «آیا فكر كانی وقتی اون جلیلی ها سر اینتی بییموهه از بقیه مردم جلیل گناهكارتر بینه؟ ۳ شما ره گامبه كه اینجوری نییه. بلکه اگه توبه نكائین شما هم همگی هلاك وونی. ۴ و آیا فكر كانی اون هجده نفر كه برج سلوام ویشون سر دكته و بمردنه، از دیگر ساكنان اورشلیم ویشتر خطا هاكاردنه؟ ۵ شما ره گامبه كه اینجوری نییه. بلکه اگه توبه نكائین شما هم همگی هلاك وونی.»
 ۶ بعد این مثل ره بیارده: «اتا مردی، انا انجیر دار، شه انگور باغ دله پكاشته. وقتی خواسه ونه تن جه انجیر بكنه بدییه هیچچی ونه تن ندانه. ۷ پس شه باغبون ره بائوته: (سه سال هسه امبه این دار جه میوه بچینم اما هیچ چی پدا نكامبه. اون ره بورین، تا خاک ره هدر نده.) ۸ اما و جواب هادا: (سرورم بییل یکسال دیگه هم بمونه. ونه دور ره كندمبه و كود دمبه. ۹ اگه سال بعد میوه بیارده كه هیچ: اگه نیارده بعد وره وریمبه.)»

شفای انا زن علیل

۱۰ در آتا از روزهای شبات عیسی انا كنیسه دله تعلیم داهه. ۱۱ اونجه انا زنا دبییه كه انا روح بد و ره هجده سال علیل هاكارده بی.یه. ونه پشت غوض بییه و هیچ جوری نتونسته راست هرسته.
 ۱۲ وقتی عیسی و ره بدیه وره شه پلى پخاسه و بائوته: «ای زن، شه مریضی دست جه خلاصی پدا هاكاردی!» ۱۳ بعد ونه رو دست بیشته و اون زنا شفا بیته و راست هرستا خدا ره شكر هاكارده. ۱۴ اما رئیس كنیسه از اینکه عیسی در روز شبات شفا هادا بی.یه خله ناراحت بیته و مردم ره بائوته: «شش روز برای كارحاكاردن وقت دارنی. در اون روزها پیین و شفا بیرین، نا در روز شبات كه روز عبادت هسته.» ۱۵ عیسی در جواب بائوته: «ای ریاكارون! آیا هیچ كدوم از شما در روز شبات شه گو یا خر ره طویله جه بیرون نورینی تا و ره اوو حادین؟ ۱۶ پس آیا نباید این زنا ره كه ابراهیم كیجا هسه و شیطون هجده سال وره اسیر هاكارده در روز شبات شیطون دستجه آزاد بوهه؟» ۱۷ وقتی اینا ره بائوته ونه مخالفون همگی شرمنده بیینه اما مردم همگی از اون همه كارهای تعجب آور و خشحال بینه.

مثل دونه خردل و خمیرماه

۱۸ بعد بائوته: «پادشاهی خدا چیشی موندنه؟ بیلین اینتی شمیسته مثال بیارم. ۱۹ پادشاهی خدا مثل دونه کوچیک خردلی ره موندنه كه انا نفر اون ره گرنه و شه باغ دله كارنه. اون دونه نوج زنده و داری وونه اونطی كه پرندهای آسمون اینه و ونه شاخه هایه سر كالی سازنه.»

۲۰ باز باثوته: «پادشاهی خِدا ره چیشی تشبیه هاکانیم؟» ۲۱ مثل خمیرمایه ای هَسّه که اتا زنا وره گِرَنه و با اتا خَلکه آرد مخلوط کاندّه تا تموم خمیر ور بیّه.»

در تنگ

۲۲ عیسی موقعی که به طَرَف اورشلیم شیّه، به شهرها و روستاهایی که راه دله دینه شیّه و تعلیم داده. ۲۳ در این میون اتا نفر ونجه بپرسیه: «سَرور من آیا تنها اتا کمی از مردم وارد بهشت وونه؟» ویشونه باثوته: ۲۴ «سخت تلاش هاکانین تا از در تنگ داخل بوشین، اینسته شما ره گامبه خَله‌ها خانه تلاش هاکانند تا داخل بوشن، اما نتونه. ۲۵ وقتی صاحب سیره راست بُووهه و در ره دَوَنده، بیرون استینی، در ره زَنی و گاننی: (سَرورا، در ره آمیسته واز هاکان!)، اما و جواب دِنه: (شما ره نیشناسمبّه؛ ندومبه کاجه جه بییمونی. ۲۶ گاننی: (اما با هِم اتا سفره سیر نیشیمی و ته کوچه‌ها دله اما ره تعلیم داهی. ۲۷ اما جواب اشناننی: (شما ره نیشناسمبّه ندومبه از کجا بییمونی؟ ای بدکارون مِجه دور بوشین. ۲۸ اون لحظه جزء برمه و دندون ریگه کار دیگه نتونی هاکانین، اینسته که ابراهیم و اسحاق و یعقوب و تموم انبیا ره در پادشاهی خِدا ویننی اما شه ره محروم ویننی. ۲۹ مردم از شرق و غرب و شمال و جنوب، اینه و خِدا پادشاهی سیره سیر نیشرنه. ۳۰ آره اونایی که آخر دَرِنه اول وونه و اونایی که اول دَرِنه آخر.»

ناراحتی عیسی از اورشلیم

۳۱ در اون موقع چند تا فریسی عیسی پلی بییمونه و باثوته: «اینجه ره ولِ هاکان و بور اتا جایه دیگر اینسه که هیرودیس حاکم خانه ته ره بکاشه.» ۳۲ در جواب باثوته: بورین و اون روباه ره بایرین که (امروز و فردا دیوها ره بیرون کامبه و مردم ره شفا دمبه، و در روز سوم شه کار ره تکمیل کامبه. ۳۳ اما امروز و فردا و پس فردا باید شه راه ره ادامه هادم اینسه که امکان نداننه نبی بیرون از اورشلیم کشته بُووهه. ۳۴ ای اورشلیم ای اورشلیم ای قاتل پیامبرون و سنگسارکننده رسولونی که ته پلی برسیره بیینه! چند بار خواستمه مثل کِرکی که شه چیندِکا ره شه بالها زیر جمع کاندّه، ته وچه ها ره جمع هاکانیم، اما نخواستی. ۳۵ الان ته سیره همینجوری خراب موندنه اینسته که تیره رها کامبه. و شما ره گامبه که دیگه مه ره نُووینی تا اتا روز که بایرین: (مبارک هَسّه و که از طَرَف خِداوند اینه. ۳۶)»